



KEMBALI KE ERA '90-AN: Dibintangi 30 siswa SMU, Maisonette #12-01 mengupas isu-isu Melayu pada tahun 1990-an menerusi nyanyain, komedi dan juga tangisan. – Foto PERSADAMU

Kelab SMU kupas isu Melayu era '90-an

► NENIE KAIRUMAN

KEMBALI ke era '90-an sambil mengupas isu kekeluargaan melalui nyanyian, tarian, gelak ketawa dan juga tangisan.

Itulah yang akan dipentaskan oleh para pelajar daripada Kelab Bahasa Melayu dan Kebudayaan Universiti Pengurusan Singapura (SMU) (Persadamu).

Teater muzikal yang bertema 'retrospek' itu bakal menyentuh hati penonton apabila persoalan mengenai hubungan kekeluargaan dan kepercayaan masyarakat Melayu terhadap pantang larang dan takhayul bakal dikupas melalui kisah dua keluarga dalam persembahan pentas bertajuk *Maisonette #12-01* ini.

Menurut Presiden Persadamu, Fathin Hanani Mas' Ali, 22 tahun, karya tersebut ditulis oleh Agnes Christian dan diarah sendiri oleh pelajar tahun empat SMU, Khairul Anwar.

"Kami ingin mengetengahkan apa yang berlaku pada masyarakat Melayu pada era '90-an. Kebanyakannya tentang pentingnya keluarga dan obsesi masyarakat kita dalam era itu," terang Fathin lagi.

Antara obsesi yang dimaksudkan ialah mengenai rumah maisonette yang popular di kalangan masyarakat Melayu ketika itu.

Yang menarik lagi tentang pementasan ini ialah lagu-lagu yang akan didendangkan merupakan lagu-lagu yang popular pada waktu itu.

Ini adalah pementasan kedua daripada Persadamu dan mereka cuba mengembangkan sayap dengan menerbitkan produksi yang lebih besar daripada segi skala.

Ia juga dijayakan sepenuhnya oleh kira-kira 30 anggota kelab ini.

Teater muzikal *Maisonette #12-01* akan dipentaskan di Teater Singapore Airlines di Kolej Seni LaSalle pada Sabtu, 8 Jun, mulai 8 malam.

Tiket-tiket persembahan, berharga \$20 masih boleh didapatkan. Mereka yang berminat masih boleh mendapatkan maklumat lanjut mengenai pembelian tiket menerusi laman Facebook *Persada SMU 2013: Maisonette #12-01* atau hubungi Mardhiyyah di talian 9008-2704.

► Nota: Nenie seorang penulis bebas.

MAISONETTE #12-01

Dibawakan oleh: Kelab Bahasa Melayu dan Kebudayaan Universiti Pengurusan Singapura (SMU) (Persadamu).

Tarikh: Sabtu, 8 Jun 2013

Tempat: The Singapore Airlines Theatre, LaSalle College of the Arts

Masa: 8 malam

Info tiket: \$20 (Hubungi Mardhiyyah di talian 9008-2704)

Laman Facebook:

<https://www.facebook.com/MlccProduction2013>

Laman pementasan:

<http://persadasmu.wix.com/maisonette1201>